



Inatsisartunut ilaasortaq
Akitsinguaq Olsen, Siumut

UKA2008/85-p Inatsisartuni aalajangiunneqareerneratigut killiffik pillugu paragraf 37 malillugu apeqqummut akissut: "Nunat tamalaat pillugit ilisimatusarneq kiisalu Inuit Pisinnaatitaaffii pillugit Sullissivimmik qitiusumiit ataatsimoortumik nunatsinni pilersitsinissamik, Danmarkimi Naalakkersuisut suleqatigalugit Naalakkersuisut periarfissanik misissueqqullugit peqquneqarnissaat pillugu Inatsisartut aalajangiussassaattut siunnersuut."

"Naalakkersuisunut apeqqutit:

- 1) Nuna Tamalaat pillugit Iisimatusarneq kiisalu Inuit Pisinnaatitaaffii pillugit Sullissivimmik qitiusumiit ataatsimoortumik nunatsinni pilersitsinissamik, Danmarkimi Naalakkersuisut suleqatigalugit Nunatsinni Naalakkersuisut periarfissanik misissueqqullugit peqquneqarnissaanik Inatsisartut UKA 2008/85-imi aalajangiinerata kingorna killiffik pillugu Naalakkersuisut nassuiaateqarsinnaappat?"

12. mar 2012
Sagsnr. 2012-063506
Dok. Nr. 850046

Postboks 1015
3900 Nuuk
Tlf. (+299) 34 50 00
Fax (+299) 32 50 02
E-mail: govsec@nanoq.gl
www.nanoq.gl

Akissut:

Apeqqummut qulaani pineqartumut Naalakkersuisut malitseqartitsinerisa killiffiat tassaavoq, Nunatsinni inuit pisinnaatitaaffiinik suliaqarnerup nukittorsarneqarnissaanut suliniutaasinnaasut assigiinngitsut pillugit Naalakkersuisut Danmarkimi Inuit Pisinnaatitaaffii pillugit Institutsimik (Dansk Institut for Menneskerettigheder) oqaloqatiginnittuarnerat.


Nassuiaatissarsiorluni suliaqarnermut tassunga atatillugu Dansk Center for Internationale Studier og Menneskerettigheder aamma Dansk institut for Menneskerettigheder, ullumikkut tassaasut Institut for Menneskerettigheder aamma Dansk Institut for Internationale Studier, atorunnaarsinneqarnissaat pillugit danskit naalakkersuisuisa inatsisissatut siunnersuut saqqummiuppaat. Taassuma saniatigut immikkut Dansk Institut for Internationale Studier aamma immikkut Institut for Menneskerettigheder – Danmarks Nationale Menneskerettighedsinstitution – pilersinneqarnissaat pillugit inatsisissatut siunnersuummut missingiut tusarniaassutigalugu nassiuunneqarpoq.

Nunanut allanut Pisortaqarfiup inatsisissatut siunnersuutit Namminersorlutik Oqartussani tusarniaassutigineqarnerat ataqatigiissarpai, tusarniaanermut akissutit 19. marts kingusinnerpaamik Udenrigsministeriaqarfimmi tiguneqareersimassapput. Inatsisissatut siunnersuummi takuneqarsinnaavoq, kunngip peqqusineratigut inatsit pineqartoq Kalaallit Nunaanni atuutsinneqalersinnaasoq.

Institut for Menneskerettighederip - Danmarks Nationale Menneskerettighedsinstitutionip – inuit pisinnaatitaaffiinut tunngatillugu pikkoriffigisai Naalakkersuisut suli atorluarusuppaat. Ilutigalugu Naalakkersuisut soqutigisarivaat, Nunatsinni inuit pisinnaatitaaffiisa iluanni pikkorissuseqarnerup annertusarneqarnissaa. Institut for Menneskerettighederimik suleqateqaannarnissamut atugassarititaasut eqqortut suliarineqarnissaat siunertaralugu Namminersorlutik Oqartussat tusarniaanermut akissuteqarnerminni siunnersuutigaat, Nunatsinni inatsisip atuutsinneqalernissaa pillugu aalajangiisoqarnera (tassa kunngip peqqusineratigut Nunatsinni inatsit atuutsinneqalerpat) ilutigalugu aalajangiisoqassasoq, Kalaallit Nunaanni Inuit Pisinnaatitaaffii pillugit Siunnersuisoqatigiit pilersinneqarnissaat, siunnersuisoqatigiillu taakkua periarfissinneqassasut Institut for Menneskerettighederip siulersuisuinut ilaasortassamik toqqaanissaat inatsisissatut siunnersuummi periarfissinneqassasut.

Allanguutissat siunnersuut ilanngunneqassapat aamma pilersaarutaasut ukiap ingerlanerani inatsisissaq aalajangiunneqarpat, Inatsisartut ukiakkut ataatsimiinneranni tamanna saqqummiunneqassaaq.

Inussiarnersumik inuulluaqqusillunga

 Kuupik Klejst Sinnerluga